

Հայկական Ծրագրեր Սահմանափակ Պատասխանատվությամբ Ընկերությունն, ի դեմս տնօրեն Գագիկ Մարգարյանի, հետագայում՝ Կատարող, մի կողմից, և Հայաստանի Հանրապետության արտակարգ իրավիճակների նախարարության աշխատակազմ ՊԿՀ, ի դեմս գլխավոր քարտուղար Լիլիթ Միրզախանյանի, հետագայում՝ Պատվիրատու, մյուս կողմից, վարեցին բանակցություններ և կնքեցին սույն պայմանագիրը հետևյալի մասին՝

1. Պայմանագրի առարկան

- 1.1. Սույն պայմանագրի համաձայն Կատարողն իրականացնում է Պատվիրատուի մոտ տեղադրված «ՀՕ-Հաշվապահ 7» 9 (ինը) աշխատատեղի համար համակարգչային ծրագրի (հետագայում՝ Համակարգ) սպասարկում, ինչը ներառում է հետևյալը.
 - 1.1.1. Համակարգի շահագործման հետ կապված խորհրդատվություն:
 - 1.1.2. Կատարողի կողմից որոշված պարբերականությամբ Համակարգի թարմացված տարբերակների տրամադրում, որտեղ արտացոլված են հաշվապահական և հարկային հաշվառման վերաբերվող լրամշակումները և նոր ֆունկցիոնալ հնարավորությունները:
- 1.2. Սպասարկման ձևը.
 - 1.2.1. Սպասարկման աշխատանքներն իրականացվում են հեռահաղորդակցության (հեռախոսակապ, ինտերնետ, Էլ.փոստ և այլն) միջոցներով:
 - 1.2.2. Համակարգի թարմացված տարբերակները տրամադրվում են Կատարողի կողմից ընտրված եղանակներով:

2. Պայմանագրի ժամկետը

- 2.1. Պայմանագիրն ուժի մեջ է մտնում Պատվիրատուի և Կատարողի կողմից կնքելու պահից և գործում է մեկ տարի:

3. Աշխատանքների արժեքը և վճարման կարգը

- 3.1. Համակարգի սպասարկման արժեքն է 247,500.00 դրամ, ԱԱՀ 20%՝ 49,500.00 դրամ, ընդամենը՝ 297,000.00 դրամ:
- 3.2. Պատվիրատուն վճարում է Համակարգի սպասարկման արժեքը Պայմանագիրը կնքելուց հետո 5(հինգ) աշխատանքային օրվա ընթացքում:

4. Կատարողի պարտավորությունները

- 4.1. Ծրագրային ապահովման մեջ խախտումների և սխալների հայտնաբերման դեպքերում (բացի տեխնիկական և ծրագրային միջոցների անհամատեղելիության, տեխնիկական միջոցների խախտումների, ծրագրային վիրուսների, աշխատակիցների՝ ծրագրով չնախատեսված գործողությունների պատճառով առաջացած դեպքերի) վերացնել դրանք ապագա տարբերակներում:
- 4.2. Տրամադրել Պատվիրատուին Համակարգի այն տարբերակները, որոնք լույս են տեսել մինչև Պայմանագրի ավարտը:
- 4.3. Համակարգի սպասարկումը չի ներառում Պատվիրատուի կողմից խորհրդատվություն հետևյալ հարցերի վերաբերյալ՝
 - հաշվապահական և հարկային հաշվառման վարման մեթոդաբանություն.
 - ուսուցման ընթացքում ստացված տեղեկատվություն.
 - Համակարգի շահագործման հետ չկապված՝ Windows օպերացիոն համակարգի օգտագործում,
 - տեխնիկական միջոցների և համակարգչային ցանցի ոչ նորմալ աշխատանք:
- 4.4. Պայմանագրի ավարտից հետո Կատարողը Պատվիրատուի նկատմամբ որևէ պարտավորություն չի կրում:

5. Պատվիրատուի պարտավորությունները

- 5.1. Ապահովել Համակարգի գործունեության համար անհրաժեշտ տեխնիկական միջոցների և ծրագրային ապահովումների համապատասխանությունը Կատարողի կողմից կատարված թարմացումներին:
- 5.2. Պատվիրատուի պարտավորությունն է համարվում Համակարգի պաշտպանական էլեկտրոնային բանալու և տվյալների պահուցի պահպանությունն ու ամբողջականությունը:

6. Այլ պայմաններ

- 6.1. Սույնով Պատվիրատուն հավաստում է, որ ծանոթացել է www.armsoft.am կայքում տեղադրված ուսուցման բովանդակությանը:
- 6.2. Կատարողի պատասխանատվությունը անկախ մեղքի ձևից սահմանափակվում է սույն Պայմանագրի արժեքի 20(բասն) տոկոսի չափով:
- 6.3. Սույն պայմանագրի կատարման հետ կապված հարցերը Կողմերը կձգտեն լուծել բանակցությունների միջոցով: Կողմերի միջև համաձայնության չգալու դեպքում, վիճելի հարցերը կարգավորվում են Հայաստանի Հանրապետության օրենսդրությամբ սահմանված կարգով:
- 6.4. Սույն պայմանագիրը կազմվում է 2(երկու) հավասար իրավաբանական ուժ ունեցող օրինակից՝ յուրաքանչյուր Կողմին մեկական օրինակ:


7. Կողմերի հասցեները, բանկային վավերապայմանները և ստորագրությունները

Հայկական Ծրագրեր ՍՊԸ

h/h 2500010002240100
 Արմավիսբանկ ՓԲԸ
 Էլ.Փոստ՝ support@armsoft.am
 ՀՎՀՀ՝ 00807555
 Հասցե՝ ք. Երևան, Զարենցի փ. 1

Հայաստանի Հանրապետության արտակարգ

իրավիճակների նախարարության աշխատակազմ ՊԿՀ
 h/h 900011019313
 ՀՀ ՖՆ աշխատակազմի գործառնական վարչություն
 Հեռ.՝ Էլ.Փոստ՝
 ՀՎՀՀ՝ 00153247
 Հասցե՝ ք.Երևան, Դավթաշեն 4-րդ բաղ.Միկոյան
 109/8



Գ. Մարգարյան



Գլխավոր քարտուղար Լ. Միրզախանյան

Digitally signed by
 SILYAN VAHAGN
 09750174
 te: 2021.12.21
 :31:15 AMT